

ՀԿՊ ԿՆՆՏԿՈՄԻ •
ՊՐՈՊԱԳԱՆԴԱՅԻ ԵՎ
ԱԳԻՏԱՅԻՆՑԻ ԲԱԺԻՆ

61



СЕЯЗАТЕЛЬНЫЙ
ЭКЗЕМПЛЯР

№ 9

Մ Ա Յ Ի Ս

202

1954

Նյութեր գրույցների համար

Վ. Սարգսյան— Սովետական մամուլի օրը . . .	1
Յու. Գրիշենկո— ԱՄՆ-ի ագրեսիվ պլանները Մերձավոր ու Միջին Արևելքի և Հարավ- Արևելյան Ասիայի շրջանում	11
Հայրենական գյուղատնտեսական մեքենաշինու- թյան նվաճումները	24

Մերոդական օգնություն ագիտատորին

Հովն. Բաղդասարյան— Ագիտատորի լեզուն . . .	31
---	----

Օգնություն ագիտատորին

Թեմաներ և գրականություն ագիտատորների դրույցների համար	41
--	----

Տեղեկատու բաժին

Մեր Հայրենիքի մայրաքաղաք Մոսկվայի թան- գարանները	48
---	----

Խմբագրության հասցեն.— Երևան, ՀԿՊ Կենտկոմ,
Պրոպագանդայի և ագիտացիայի բաժին: Հեռախոս
2—52—78:

53-112

ՆՅՈՒԹԵՐ ԶՐՈՒՅՑՆԵՐԻ ՀԱՄԱՐ

ՍՈՎԵՏԱԿԱՆ ՄԱՄՈՒԼԻ ՕՐԸ

Վ. ՍԱՐԳՍՅԱՆ

Քառասուններկու տարի առաջ, 1912 թվա-
կանի մայիսի 5-ին, լույս տեսավ Պետրո-
գրադի բանվորների նախաձեռնությամբ ըս-
տեղծված Կոմունիստական պարտիայի ա-
մենօրյա լեզու թերթի՝ «Պրավդա»-ի առա-
ջին համարը:

«Պրավդա»-ի լույս ընծայումը բանվոր
դասակարգը, բոլոր աշխատավորներն ընդու-
նեցին մեծագույն խանդավառությամբ. Կո-
մունիստական պարտիայի մասսայական
օրաթերթի հրատարակումով դրվեց նոր, ժո-
ղովրդական մամուլի հիմքը:

Ի պատիվ «Պրավդա»-ի լույս ընծայման
այդ օրվա, մեր ժողովուրդը ամեն տարի
Մայիսի 5-ը նշում է, որպես Մամուլի տրա-
դիցիոն տոն:

Կոմունիստական պարտիայի մեծ հիմնադիր
և իմաստոռն առաջնորդ Վ. Ի. Լենինը «Պրավ-
դա» թերթի առաջին համարի լույս ընծայու-
մից հետո գրել է. «Բանվորական օրաթերթ

2000-54
4600-54



հիմնելով, Պետրոգրադի բանվորները. խո-
շոր, առանց չափազանցության կարելի է ա-
սել, պատմական գործ կատարեցին»:

«Պրավդա»-ն նշանակալից դեր է խաղացել
մեր երկրում Հոկտեմբերյան Սոցիալիստա-
կան Մեծ ռեվոլյուցիայի և սոցիալիզմի հաղ-
թանակը կազմակերպելու գործում, Կոմու-
նիստական հասարակություն կառուցելու
գործում:



Սովետական մամուլը հանդիսանում է
նոր տիպի մամուլ, որին ստեղծել ու կոփել է
Կոմունիստական պարտիան, մեծ առաջնորդ
Վ. Ի. Լենինը, Լենինի աշակերտ և նրա գոր-
ծի շարունակող մեծ Ստալինը: Նա մեր
պարտիայի ձեռքին ամենաուժեղ զենքն է,
որի օգնությամբ պարտիան ամեն օր, ամեն
ժամ խոսում է ժողովրդի հետ, նրան հար-
կավոր լեզվով: Մեր մամուլը հանդիսացել
ու հանդիսանում է պարտիայի հավատարիմ
ու մարտական օգնականը: Նա մասսաների
սեփականություն է դարձնում մարքսիզմ-լե-
նինիզմի անհաղթ տւմունքը, անդադրում
պրոպագանդում է սովետական հայրենասի-
րության և սրովետարական ինտերնացիո-
նալիզմի գաղափարները, մոբիլիզացնում է
աշխատավորների ուժերը՝ հաջողությամբ ի-

— 2 —

րականացնելու կոմունիստական շինարարու-
թյան հռչակապ խնդիրները:

Սովետական մամուլը վայելում է ժողո-
վրդի սերը, վստահությունն ու աջակցու-
թյունը: Դա արդյունք է այն բանի, որ նա-
իր ամբողջ գործունեության ընթացքում ղե-
կավարվել ու ղեկավարվում է Կոմունիստա-
կան պարտիայի քաղաքականությամբ, որը
ճշտորեն ու լիովին արտահայտում է ժողո-
վրդի կենսական շահերը: Բարձր գաղափա-
րականությունը, ճշմարտացիությունը և ժո-
ղովրդի հետ ռանցած անխախտ կապը հան-
դիսանում են մեր մամուլի բնորոշ առանձ-
նահատկությունը:

Տարեցտարի աճում ու ամրապնդվում է
սովետական մամուլը: ՍՍՌՄ ժողովուրդների
բոլոր լեզուներով մեր երկրում լույս են տես-
նում ավելի քան 8.000 տպագիր թերթ և
1.500 ամսագիր (1953 թվականի տվյալնե-
րով), որոնց միանվագ տիրաժն անցնում է
41 միլիոն օրինակից: Կենտրոնական հրա-
տարակչություններից բացի, միութենական,
ավտոնոմ ռեսպուբլիկաներում, մարզերում
և երկրամասերում կան և գործում են ավելի
քան 130 տեղական հրատարակչություններ,
որոնք տարեկան թողարկում են հարյուր
միլիոնավոր օրինակներով գրքեր: 1952 թվա-

— 3 —

կանին հրատարակված գրքերի ընդհանուր տիրաժը 88 տոկոսով ավելի էր, քան նախապատերազմյան 1940 թվականին:

Մարքսի, Էնգելսի, Լենինի և Ստալինի աշխատությունները դարձել են սովետական բոլոր աշխատավորների սեփականությունը: Հսկայական տիրաժներով ամեն տարի լույս են ընծայվում քաղաքական, գեղարվեստական գրականություն, ինչպես նաև մասսայական դպրոցների և բարձրագույն ուսումնական հաստատությունների համար դասագրքեր:

Սովետական Միության մեջ մամուլի ընդհանուր զարգացմանը համընթաց աճում ու զարգանում է սովետահայ մամուլը: Ներկայումս Հայաստանում լույս են տեսնում ռեսպուբլիկական, քաղաքային, շրջանային, բազմատիրաժ հիմնարկային 46 անուն տպագիր թերթ՝ 249.000 օրինակ միանվագ տիրաժով և 10 անուն ամսագիր՝ մոտ 33.000 օրինակ տիրաժով:

Անցյալ տարի միայն Հայպետհրատը հրատարակել է 459 անուն գիրք՝ մոտ 4,5 միլիոն օրինակ ընդհանուր տիրաժով: 1954 թվականին Հայպետհրատը պետք է լույս ընծայի 586 անուն գիրք՝ 6 միլիոն 363 հազար օրինակ տիրաժով: Մեծ թվով գրքեր ու

— 4 —

քրոշյուլներ են հրատարակում Հայկական ՍՍՌ Գիտությունների ակադեմիայի, Պետական համալսարանի, Գյուղատնտեսության մինիստրության, Հեռակա մանկավարժական ինստիտուտի և այլ հրատարակչությունները:

Իրականացնելով կոլեկտիվ պրոպագանդիստի, կոլեկտիվ ագիտատորի և կոլեկտիվ կազմակերպչի իր դերը, մեր մամուլը ձեռք է բերել մեծ հաջողություններ: Սոցիալիստական շինարարության բոլոր փուլներում, թե սովետական ժողովրդի խաղաղ ստեղծագործ աշխատանքի և թե՛ Հայրենական Մեծ պատերազմի ահեղ տարիներին, սովետական մամուլը ցույց է տվել իր խոր նվիրվածությունը պարտիայի գործին, ժողովրդի շահերին, ապացուցել է իր ընդունակությունը պատվով կատարելու Կոմունիստական պարտիայի կողմից նրա առջև դրված պատասխանատու խնդիրները:

ՍՄԿՊ Կենտրոնական Կոմիտեի Սեպտեմբերյան և Փետրվար-մարտյան պլենումները իրենց որոշումներում տվեցին սոցիալիստական գյուղատնտեսության հետագա զարգացման հոյակապ ծրագիրը: Պարտիան ու կառավարությունը կազմակերպում են միաժամանակ ժողովրդական սպառման առար-

— 5 —

բանվորների, գյուղացիների և խնտելիզեն-
ցիայի քաղաքական զգոնությունն ու գի-
տակցությունը: Նա հանդիսանում է ժողո-
վուրդների բարեկամության և համագործակ-
ցության ամրապնդման ջատագովը, խաղա-
ղության ու դեմոկրատիայի մունետիկն ամ-
բողջ աշխարհում:

Մամուլը բուռն թափով աճում և զարգա-
նում է նաև ժողովրդական դեմոկրատիայի
երկրներում: Կապիտալիզմի շղթաներից ա-
զատագրված երկրներում կոմունիստական և
բանվորական պարտիաների ձեռքին մամու-
լը դարձել է մարտական զենք, խաղաղու-
թյան, դեմոկրատիայի և սոցիալիզմի հա-
մար մղվող պայքարում: Ժողովրդական
Հոմագարիայում ներկայումս լույս են տես-
նում 360 թերթ և ամսագիր. Հոմագարական
աշխատավորական պարտիայի Կենտրոնա-
կան օրգան «Սաբաթ Նեպ»-ը ամեն օր լույս
է տեսնում մոտ կես միլիոն օրինակ միա-
նվագ տիրաժով: Զեխոսլովակիայի կոմպար-
տիայի կենտրոնական օրգան «Մուդե Պրա-
վո»-ի տիրաժը օրական հասնում է մեկ մի-
լիոնի: Լեհաստանում, Ռումինիայում և
Բուլղարիայում վերջին տարիներս թերթերի
ընդհանուր տիրաժը աճել է 4—5 անգամ:

Սոցիալիզմի լագերի երկրներում աշխա-

— 8 —

տավորական մասսաների սեփականությունն
են դառնում մարքսիզմ-լենինիզմի կլասիկնե-
րի աշխատությունները: Բուլղարիայում
1945—1954 թ. թ. ընթացքում լույս է տե-
սել հանձարեղ առաջնորդ Վ. Ի. Լենինի ա-
վելի քան 100 աշխատություն՝ մոտ 2 մի-
լիոն ընդհանուր տիրաժով, ընդ որում նրա
երկերի ժողովածուն 35 հատորով:

Կապիտալիստական երկրների ծախու մա-
մուլը պաշտպանում է շահագործող դասա-
կարգերի շահերը: Նա ստի, զրպարտության,
կեղծիքի մամուլ է: ԱՄՆ-ի, Անգլիայի,
Ֆրանսիայի և կապիտալիստական մյուս
երկրների թերթերի և ամսագրերի մեծ մա-
սը հանդիսանում է խմպերիալիստական
մոնոպոլիաների սեփականությունը:

Այժմ աշխատավորության թշնամիները,
բոլոր տեսակի ռեակցիոն ուժերը բուրժուա-
կան մամուլը օգտագործում են նոր համաշ-
խարհային պատերազմ պրոպագանդելու,
պրոգրեսիվ ուժերին զրպարտելու և հալա-
ծելու, ժողովուրդների մեջ թշնամություն
բորբոքելու համար:

Կապիտալիստական երկրների աշխատա-
վորական լայն մասսաները պարզորոշ կեր-
պով տեսնում են բուրժուական մամուլի
հակաժողովրդական բնույթը և շարունակում են

— 9 —

այն: Նրանք ավելի ու ավելի են կապվում դեմոկրատական մամուլի հետ, առաջին հերթին կոմունիստական մամուլի հետ, որովհետև դեմոկրատական մամուլը, սովետական մամուլի օրինակով, ջերմորեն պաշտպանում է աշխատավորների իրավունքներն ու շահերը, նա հանդիսանում է խաղաղության գործի պրոպագանդիստը:

Սովետական մամուլը իր աշխատանքում ուղեցույց ունենալով ՍՄԿ Պարտիայի 19-րդ համագումարի և ՍՄԿ Կենտրոնական Կոմիտեի Սեպտեմբերյան ու Փետրվար-մարտյան պլենումների որոշումները, էլ ավելի կմերձենա աշխատավորների հետ, նրանց անդուլ կերպով կպարզաբանի հարազատ Կոմունիստական պարտիայի և Սովետական կառավարության ներքին ու արտաքին քաղաքականությունը, ավելի ուժգին կպայքարի ՍՍՌՄ ժողովրդական տնտեսության ծաղկման ու բարգավաճման համար:



ԱՄՆ-Ի ԱԳՐԵՍԻՎ ՊԼԱՆՆԵՐԸ ՄԵՐՋԱՎՈՐ ՈՒ ՄԻՋԻՆ ԱՐԵՎԵԼՔԻ ԵՎ ՀԱՐԱՎ-ԱՐԵՎԵԼՅԱՆ ԱՍԻԱՅԻ ՇՐՋԱՆՈՒՄ ՅՈՒ. ԳՐԻՇՉԶԵՆԿՈ

Մերձավոր ու Միջին Արևելքի և Հարավ-Արևելյան Ասիայի ընդարձակ շրջանը վերջին ժամանակներս ամերիկյան դիվանագիտության և ռազմամուլների համար դարձել է առանձնապես ակտիվ գործողությունների ասպարեզ: ԱՄՆ-ի իմպերիալիստները ցանկանում են այնտեղ հաստատել իրենց քաղաքական, տնտեսական և ռազմական լիակատար վերահսկողությունը: Մերձավոր ու Միջին Արևելքի և Հարավ-Արևելյան Ասիայի շրջանը ամերիկյան մոնոպոլիստներին հետաքրքրում է նրա համար, որովհետև այն ունի ստրատեգիական կարևոր դիրք, ունի բնական հարստությունների վիթխարի պաշարներ և մասնավորապես նավթի հսկայական պաշարներ:

Ամերիկյան «Կրիսչեն սենշուրի» ամսագի-

րը խոսելով Մերձավոր ու Միջին Արևելքի և Հարավ-Արևելյան Ասիայի նկատմամբ ԱՄՆ-ի իմպերիալիստների կողմից ցուցաբերվող շահագրգռվածության մասին, հունվարի 20-ին գրում է. «Աշխարհի նավթի հայտնի պաշարների 53 տոկոսը գտնվում է Բախրայի կղզիների՝ Իրանի, Իրաքի, Կուվեյտայի, Պակիստանի, Կատարայի և Սաուդական Արաբիայի ավազուտների տակ: Այդ փաստը գերիշխող ազդեցություն ունեցավ մեր մտածողության վրա... Միջին Արևելքում ելնելով այն բանից, որ ժամանակակից պատերազմում նավթն անփոխարինելի է և որ այդ նավթը այդքան մոտ է ռուսական սահմաններին, մենք սկսեցինք ժողովրդի ցանկությունները դիտել ինչպես երկրորդական նշանակություն ունեցող մի բանի և առաջնակարգ նշանակություն առաջ այդ նավթի նկատմամբ արևմտյան տերությունների վերահսկողությանը»:

Զավթելով նավթը և մյուս բնական հարստությունները, հաստատելով իրենց քաղաքական վերահսկողությունը, իմպերիալիստները միևնույն ժամանակ աշխատում են Մերձավոր ու Միջին Արևելքի և Հարավ-Արևելյան Ասիայի երկրները ներգրավել իրենց ագրեսիվ պլանների իրագործման մեջ:

— 12 —

Այդ նպատակով վաղուց է, ինչ նրանք ձեռնարկում են կազմակերպել միջինարևելյան ագրեսիվ բլոկ, որը պետք է ուղղված լինի Սովետական Միության և բոլոր դեմոկրատական, խաղաղասեր պետությունների դեմ:

Այսպես, 1951 թվականին ԱՄՆ-ը, Անգլիան, Ֆրանսիան և Բյուրքիան առաջ քաշեցին «Միջինարևելյան հրամանատարություն» կոչվող ռազմական բլոկի ստեղծման նախագիծը: Այդ նախագծի իրականացումը կհանգեցներ Մերձավոր ու Միջին Արևելքի երկրների փաստական օկուպացմանը և այդ երկրների կողմից իրենց ստավերենիստեր լրիվ կորցնելուն: Սակայն իմպերիալիստական տերությունների անմիջական մասնակցությամբ «Միջինարևելյան հրամանատարություն» ստեղծելու պլանը ուժեղ դիմադրության հանդիպեց Մերձավոր ու Միջին Արևելքի ժողովուրդների կողմից և ձախողվեց:

Ժողովուրդների դիմադրությունը ձախողման հանգեցրեց միջինարևելյան բլոկի նաև մի այլ վարիանտը, որը 1952 թվականի օգոստոսին առաջ էր քաշվել ԱՄՆ-ի կառավարող շրջանների կողմից: Այն ժամանակ փորձ արվեց կազմակերպել բլոկ Մերձավոր Արևելքում, առանց նրանում արև-

մըտյան տերութիւններն պաշտօնական մասնակցութեան: Նրա կազմի մեջ պետք է մտնեին Թյուրքիան և Արաբական երկրները, ընդ որում գլխավոր դերը այդ բլտկում հատկացված էր Թյուրքիային:

Երկրորդ անգամ ևս անհաջողութեան մատնվելով, ամերիկյան իմպերիալիստները շհրաժարվեցին իրենց ազդեալի պլաններից և շարունակում են Մերձավոր, Միջին Արեւելքի և Հարավ-Արեւելյան Ասիայի շրջաններում ռազմական բլոկ ստեղծելու իրենց փորձերը: Այս անգամ շեշտը դրվեց Թյուրքիայի և Պակիստանի վրա:

Փետրվարի 19-ին հրապարակվեց Թյուրք-պակիստանյան համատեղ կոմյունիկեն, որտեղ հաղորդվում էր Թյուրքիայի և Պակիստանի միջև առաջիկայում քաղաքական, կուլտուրական և ռազմական ասպարեզում համագործակցութեան պակտ կնքելու մասին, որը փաստորեն նշանակում է Թյուրք-պակիստանյան ռազմական բլոկի կազմավորում: Ամերիկյան դիվանագիտութիւնը և զինվորականութիւնը ռազմական դաշինք ստեղծելու համար Թյուրքիան և Պակիստանը ընտրել էին ամենէին ոչ պատահականորեն:

Ամբողջութեամբ ենթարկված լինելով վա-

— 14 —

շինգտունին, Թյուրքիան ամերիկյան մի ժողովնալիստի արտահայտութեամբ հանդիսանում է «այդ ընդարձակ շրջանում», այսինքն Մերձավոր և Միջին Արեւելքում ամերիկյան քաղաքականութեան պատվարը»:

Պակիստանը, որն ավելի ու ավելի կախման մեջ է ընկնում ԱՄՆ-ից, խոշոր մուսուլմանական պետութիւն է, որը իմպերիալիստական պարագլուխների կարծիքով, պետք է իր ազդեցութեամբ ծառայութեան մատուցի նրանց Մերձավոր և Միջին Արեւելքում բլոկ կազմակերպելու համար:

Թյուրք-պակիստանյան բլոկի ստեղծումը Միացյալ Նահանգների հովանու տակ վկայում է այն մասին, որ ԱՄՆ-ը իր իմպերիալիստական հակառակորդներին, հատկապես Անգլիային, ավելի ու ավելի է դուրս մղում Մերձավոր ու Միջին Արեւելքի և Հարավ-Արեւելյան Ասիայի շրջանից: Այդ տանում է դեպի իմպերիալիստական հակասութեանների խիստ սրումը ԱՄՆ-ի և Անգլիայի միջև:

Մամուլի հաղորդագրութեաններից երևում է, որ ԱՄՆ-ը ամենէին էլ մտադիր չէ սահմանափակվել մի բլոկով, որի մեջ մտնեն միայն Պակիստանը և Թյուրքիան: Այդ ըստեղծվում է հենց այն բանի համար, որպեսզի նրա մեջ ներգրավեն և այլ երկրներ:

— 15 —

Մարտի 18-ին, Թյուրքիային ուղղված Սովետական նոտայում նշվում է. «Թյուրք-Պակիստանյան պակտը... նպատակ ունի ռազմական բլոկի մեջ ներգրավել տարիշ երկրներ, որի հետևանքով ոչ առանց հիմքերի հիշյալ պակտը գնահատվում է որպես կորիզ միջինարևելյան ռազմական բլոկ ստեղծելու համար»:

Այդ բանը չի թաքցնում ամերիկյան մամուլը և արտասահմանյան մյուս մամուլը: Մասնավորապես Ատոշիեյտեղ Պրենսս գործակալության Վաշինգտոնի թղթակիցը գրել է. «Համաձայնությունը Պակիստանի և Թյուրքիայի միջև կհանդիսանա միջինարևելյան պաշտպանական մեծ դաշինքի ստեղծման կորիզը, որին միանալու համար կհրավիրվեն հակակոմունիստական այլ երկրներ»: Այստեղ հիշատակված «պաշտպանական» բառը ծածկոց է թաքցնելու նոր բլոկի ագրեսիվ բնույթը, իսկ «հակակոմունիստական» բառը բացահայտորեն ցույց է տալիս նրա հակասովետական ուղղությունը:

Վերջին ժամանակները ամերիկյան դիվանագիտությունը և դինվորականությունը ծավալեցին ակտիվ գործունեություն Մերձավոր և Միջին Արևելյան այլ երկրներ թյուրք-պակիստանյան բլոկի մեջ ներգրավելու ուղղությամբ:

— 16 —

Թյուրքական «Իստամբուլ» թերթը ընդգծելով, որ ամերիկյան իմպերիալիստները նկատի ունեն այդ բլոկի օգնությամբ ձախողել Արևելքի ժողովուրդների ազգային-ազատագրական շարժումը, գրում է. «Ամերիկյան դիվանագիտությունը մեծ հույսեր է դնում Թյուրքիայի և Պակիստանի կողմը Իրաքին, գուցե և Իրանին գրավելու վրա»:

Բնորոշ է, որ կայանալիք թյուրք-պակիստանյան պայմանագրի կնքման մասին կոմյունիստի հրապարակվելուց հետո, Միացյալ Նահանգները շտապեցին հայտարարել Պակիստանին «ռազմական օգնություն» ցույց տալու մասին, որի նշանակությունը նույնպես գաղտնիք չէ: «Ենթադրվում է,— հայտարարում է Թյուրքական «Ենի ուլուս» թերթը,— որ այդ օգնությունը, ինչպես և Իսպանիային ցույց տրվելիք օգնությունը, Պակիստանին ցույց կտրվի նրա կողմից ԱՄՆ-ին իր տերիտորիայում ռազմական բազաներ հատկացնելու փոխարեն...»: Ուշագրավ է նաև այն փաստը, որ եթե Պակիստանի կառավարության ներկայացուցիչները փորձում են հավատացնել, թե իբր Պակիստանն ինքն է խնդրել ԱՄՆ-ից «օգնություն», ապա ամերիկյան «Բալտիմոր սան» թերթը անհրաժեշտ չի գտնում թաքցնել, որ իրականում

հենց ԱՄՆ-ն է Պակիստանին առաջարկել լանդրել իրենից այդպիսի «օգնություն»:

Թե հատկապես ի՞նչ է նշանակում ամերիկյան «օգնությունը», բավական պերճախոս կերպով ասում է հնդկական «Հինդուստան ստանդարտ» թերթը: «Իրադարձությունների արությունը Միջին Արևելքում և Հարավային Ասիայում,— գրում է թերթը,— պարզ ցույց են տալիս, որ նա, ով ստանում է ռազմական օգնություն, չի կարող միևնույն ժամանակ հեռու մնալ տաք և սառը պատերազմից: Զենք ստացողը չի կարող պարզապես նրա վրա նստել... Զինված օգնությունը—դա միայն սկիզբն է: Ամեն ինչ ցույց է տալիս այն, որ... կստեղծվի ռազմական բազաների շղթա Թյուրքիայից մինչև Պակիստան ընկած տերիտորիայում և այդ բազաները կղեկավարեն ամերիկացիները»:

Տերիտորիայի հատկացում օտարերկրյա զորքերի ռազմական բազաների համար, ազգային անկախության կորուստ, իմպերիալիստների ավանտյուրայի մեջ ներգրավում՝ սրանք են այդ բլոկին մասնակցելու դեռևս ոչ լրիվ հետևանքները: Ինչպես հաղորդում է «Պակիստան Թայմս» թերթը, ներկայումս մի կողմից ԱՄՆ-ի պաշտպանության միջոցառումների ռազմական խորհրդականների

— 18 —

խմբի ու պետական դեպարտամենտի ներկայացուցիչների, իսկ մյուս կողմից ԱՄՆ-ում Պակիստանի ռազմական կցորդի միջև բանակցություններ են դնում Պակիստանում օդանավակայաններ կառուցելու մասին:

Մարտի 26-ին, Պակիստանի կառավարությանը ուղղած իր նոտայում Սովետական կառավարությունը ընդգծում է. «Ինչպես Պակիստանի տերիտորիայում օտարերկրյա պետությանը ռազմական բազաների տրամադրումը, այնպես էլ իմպերիալիզմի ագրեսիվ ուժերի գործիքը հանդիսացող ռազմական բլոկի մեջ Պակիստանը մտցնելը բնավ թելադրված չէ Պակիստանի պաշտպանության շահերով և ոչ մի չափով չի համապատասխանում երկրի իսկական ազգային շահերին: Այս քայլերը ոչ մի չավ բան չեն կարող բերել Պակիստանի ժողովրդին, որը, ինչպես և մյուս ժողովուրդները, շահագրգռված է խաղաղությանը, իր անկախության պաշտպանությանը, իր բարեկեցության վերելքով»:

Մերձավոր ու Միջին Արևելքում և Հարավ-Արևելյան Ասիայում ռազմական խմբավորումներ ստեղծելու, այդ խմբավորումների մեջ մտնող երկրների տերիտորիայում ռազմական բազաներ կառուցելու ամերիկյան

քաղաքականությունը ուժեղացնում է լար-
վածությունը երկրաքնդի այդ շրջանում և
հակասում է ժողովուրդների արմատական
շահերին ու խաղաղության ձգտմանը:

Եզիպտական «Ալ-Գյումհուրիա» թերթը
այդ քաղաքականության մասին գրում է.
«Անկարգությունները Սիրիայում, Իրանում,
Սուդանում, հուզումները Իրաքում, Իսրայել-
ում, լարված դրությունը Սուեզի ջրանցքի
գոտում, իմպերիալիստական ճնշումը Լի-
վիայի վրա, դավադրությունները Հորդանա-
նում և Լիբանանում — այս բոլորը Արև-
մուտքի՝ Միջին Արևելքում փարած քաղաքա-
կանության տրամաբանական հետևանքներ
են: Դրանք արդյունք են այդ շրջանի երկըր-
ների քաղաքական և տնտեսական ճնշմանը,
որի նպատակն է ստիպել նրանց դադարեց-
նել ամեն տեսակի դիմադրություն ընդդեմ
Արևմուտքի տնտեսական նախագծերի և
ռազմական բյուրեղի ստեղծելու քաղաքակա-
նության»:

Սակայն որքան էլ ԱՄՆ-ի իմպերիալիստ-
ները փորձում են ընկճել իրենց քաղաքա-
կանության դեմ ուղղված ժողովուրդների դի-
մադրությունը, այդ բանը նրանց չի հաջող-
վում անել: Օրեցօր աճում է ժողովուրդների
պայքարը ԱՄՆ-ի ոտնձգությունների դեմ: Նա

— 20 —

րնդգրկել է ոչ միայն այն երկրները, որոնց
սպառնում է ագրեսիվ բյուրի մեջ ներքաշվե-
լու վտանգը, այլև Մերձավոր ու Միջին Ա-
րևելքի և Հարավ-Արևելյան Ասիայի այլ
երկրները:

Լայն թափ է ստացել Պակիստանը ԱՄՆ-ի
ագրեսիվ պլանների մեջ ներգրավելու դեմ
ուղղված պայքարը հենց Պակիստանում:
Պակիստանում ռազմական պակտերի քա-
ղաքականության դեմ ուղղված հասարակա-
կան կարծիքի բողոքի արտահայտությունն
է հանդիսանում Արևելյան Պակիստանում
վերջերս տեղի ունեցած ընտրություններում
իշխող պարտիայի՝ Մուսուլմանական լիգայի
կրած պարտությունը և Միացյալ ճակատի
հաղթանակը, որը հանդես է գալիս ամերիկ-
յան «ռազմական օգնությունից» հրաժարվե-
լու օգտին, Պակիստանի անկախության օգ-
տին: Մարտի 25-ին Արևելյան Պակիստանի
խաղաղության պաշտպանության կոմիտեն
հրապարակեց մի դիմում, որի մեջ խիստ
դատապարտում է ամերիկա-պակիստանյան
ռազմական պակտը: Կոմիտեն հայտարա-
րում է, որ Պակիստանի խաղաղասեր ժողո-
վուրդը համակված է այդ պակտի դեմ
պայքարի ելնելու և իր հայրենիքի ազատու-
թյունն ու ինքնուրույնությունը ամերիկյան

— 21 —

ազրեւորների ունեւորութեաններից պաշտ-
պանելու վճռականութեամբ:

«Ամերիկյան կառավարողները,— ասվում
է դիմումի մեջ,— ցանկանում են վերահս-
կողութեան սահմանել ամբողջ մուտւում-
նական աշխարհի վրա՝ Հարավ-Արեւելյան
Ասիայի մարտնչող ժողովուրդներին ստոր-
կացնելու և Սովետական Միութեան ու Չի-
նական ժողովրդական Ռեսպուբլիկայի վրա
հարձակվելու համար»:

Ամերիկյան «Ծգնութեանը» Պակիստանին
և վերջինիս կողմից ԱՄՆ-ին ռազմական
բազաներ տրամադրելը հատկապէս սուր
բողոքներ է առաջացնում Հնդկաստանում,
որը իրավամբ դրանում սպառնալիք է
տեսնում իր սահմանների անվտանգութեան
համար: Հնդկաստանում տեղի են ունենում
բազմաթիւ միտինգներ, ժողովներ, ցույցեր,
որոնց մասնակիցները պահանջում են դա-
դարեցնել ԱՄՆ-ի միջամտութեանը Պակիս-
տանի գործերին և թույլ չտալ ամերիկյան
ռազմական բազաներ նրա տերիտորիայում:

Թյուրք-պակիստանյան դաշինքը և ԱՄՆ-ի
փորձերը նրա մեջ ներգրավելու Իրաքին,
առաջ են բերում Իրաքի և մյուս արաբական
երկրների հասարակական կարծիքի եռան-
դուն բողոքներ: Լիբանանի «Աս-Սարխա»

— 22 —

թերթը խմբագրական հոդվածում վերջերս
գրել է. «Միացյալ Նահանգների կողմից
Թյուրքիայի և Պակիստանի վզին փաթաթ-
ված ազրեւսիւ ռազմական դաշինքը արա-
բական և Մերձավոր ու Միջին Արեւելքի
մյուս երկրներում առաջ բերեց մեծ անհան-
գըստութեան և ատելութեան նոր ալիք Ամե-
րիկայի նկատմամբ»: Օրիւակ, Իրաքի «Սա-
ուտ ալ-Ախալի» թերթը հրապարակեց 3.500
մարդու կողմից ստորագրված մի դիմում,
որում ասվում է. «Մենք նախազգուշացնում
ենք պարտախանատու անձանց և հայտու-
րարում. ժողովուրդները լի են վիժեցնելու
ամեն մի պայմանագիր, կամ պատերազմի
իմպերիալիստական նախագիծ, որը նպա-
տակ ունի ստրկացնել, կամ խաղաղութեան
մարտականութեան լծել մեզ»:

Այս է Մերձավոր ու Միջին Արեւելքի և
Հարավ-Արեւելյան Ասիայի բոլոր ժողովուրդ-
ների կարծիքը, որոնք ցանկանում են ապրել
ազատ և անկախ, ցանկանում են խաղաղու-
թեան և պայքարում են նրա համար:

ՀԱՅՐԵՆԱԿԱՆ ԳՅՈՒՂԱՏՆՏԵՍԱԿԱՆ ՄԵՔԵՆԱՇԻՆՈՒԹՅԱՆ ՆՎԱՃՈՒՄՆԵՐԸ

Հոկտեմբերյան Սոցիալիստական Մեծ ռեուլյուցիան կատարվեց այն ժամանակաշրջանում, երբ նվրտագյի գլխավոր կապիտալիստական երկրները և Ամերիկայի Միացյալ Նահանգները ունեին զարգացած ինդուստրիա և գյուղատնտեսական մեքենաներ ու կցորդ գործիքներ արտադրող մեքենաշինական շատ գործարաններ:

1915 թվականին Ամերիկան ուներ 25 հազար տրակտոր, մինչդեռ ցարական Ռուսաստանն այդ ժամանակ ուներ զանազան մարկայի ընդամենը 165 տրակտոր, որոնք հիմնականում օտարերկրյա արտադրանք էին հանդիսանում:

Գյուղատնտեսական արտադրության մեքենայացումը 0,8 տոկոսից չէր անցնում:

Սոցիալիստական հնգամյակների կենսագործման և ինդուստրացման բարձր տեմպերի շնորհիվ մեր երկիրը կարճ ժամանակամիջոցում շտեմեմած թուրք կատարեց տրակ-

— 24 —

տորների և գյուղատնտեսական մեքենաների արտադրությունը կազմակերպելու գործում:

Տասը տարում (1930—1940) տրակտորների քանակի աճը ՍՍՌՄ-ում կազմեց 735 տոկոս, իսկ ԱՄՆ-ում՝ 168 տոկոս, այլ կերպ ասած՝ ՍՍՌՄ-ում տրակտորային պարկի աճը 4,4 անգամ բարձր էր, քան ԱՄՆ-ում:

Տրակտորների և գյուղատնտեսական մեքենաների քանակի աճի հետ մեկտեղ էական փոփոխություններ կատարվեցին տրակտորների նաև որակի առաքարեղում: Գյուղատնտեսական արտադրությունից դուրս մղվեցին հին մեքենաները, դրանք փոխարինելով նոր, կատարյալ մեքենաներով:

Հայրենական մեքենաշինության հզորությունը պատկերացնելու համար, բավական է ասել, որ միայն Ռոստովի գյուղատնտեսական մեքենաների գործարանը տարեկան ավելի շատ մեքենաներ է արտադրում, քան արտադրում էին ցարական Ռուսաստանի գյուղատնտեսական մեքենաշինության բոլոր գործարանները՝ միասին վերցրած:

Կոլտնտեսային գյուղացիության աշխատանքը հեշտացնելու և նյութական բարրերների արտադրությունն ավելացնելու ասպարեղում Կոմունիստական պարտիայի և Սովետական կառավարության ցուցաբերած հսկայական հոգատարության շնորհիվ մեր

— 25 —

սոցիալիստական գյուղատնտեսութիւնը սիս-
տեմատիկորեն տառնում է նորագոյն տրակ-
տորներ, կոմբայններ և գյուղատնտեսական
մի շարք այլ մեքենաներ:

Մեր երկրի գործարաններում այժմ ար-
տադրվում են այնպիսի հզոր տրակտորներ և
գյուղատնտեսական մեքենաներ, որոնք յիս-
վին համապատասխանում են գյուղատնտե-
սական արտադրութեան պահանջներին՝ երկ-
րի բոլոր գոտիներում:

ՍՍՌՄ արդյունաբերութեան կողմից թո-
ղարկվող տրակտորների հիմնական տեսակ-
ներն են՝

1. ԽՏԶ—7 — թողարկում է Խարկովի տը-
րակտորային գործարանը, կարողութիւնը՝
12 ձիու ուժ, նախատեսված է բանջարաբու-
ծութեան, պտղատու տունների և սակավ է-
ներգիա պահանջող դաշտային այլ աշխա-
տանքների մեքենայացման համար:

2. Ունիվերսալ 1 և 2 — թողարկում է Վլա-
դիմիրի տրակտորային գործարանը. կարո-
ղութիւնը՝ 22 ձիու ուժ: Այս սիստեմի տը-
րակտորը ընդհանուր նշանակութիւն ունե-
ցող գյուղատնտեսական պրոցեսների մեջ
օգտագործվելուց բացի, պիտանի է նաև
շարահերկ կուլտուրաների խնամքի ու մը-
շակման աշխատանքների համար:

3. ԿԴ—35 և ԿԴՊ—35 — թրթուրավոր տը-

— 26 —

րակտոր, թողարկում են Վլադիմիրի և Լի-
պեցկի գործարանները: Շարժիչի կարողու-
թիւնը՝ 36 ձիու ուժ: Նախատեսված է ընդ-
հանուր նշանակման պրոցեսների համար,
իսկ ԿԴՊ—35 տրակտորը նաև շարահերկ
մշակութեան տրակտոր է:

4. ՄՏԶ — (Բելոռուս) — անիվավոր դիզել-
ային տրակտոր: Կարողութիւնը՝ 36 ձիու
ուժ: Նախատեսված է շարահերկ կուլտուրա-
ների խնամքի և մշակման համար: Դա մի
նոր մեքենա է, որի վրա հարմարեցվում է
սածիլ տնկող մեքենա և որոշ այլ մեքենա-
ներ՝ շարահերկ կուլտուրաների մշակման
համար:

5. ԴՏ—54 — թողարկում են Ալթայի,
Ստալինգրադի և Խարկովի գործարանները:
54 ձիու ուժ ունեցող թրթուրավոր, հզոր դի-
զելային տրակտոր՝ ընդհանուր նշանակման
համար:

6. Ս—80 — արտադրում է Կիրովի տրակ-
տորային գործարանը: 80 ձիու ուժ ունեցող
թրթուրավոր, դիզելային տրակտոր՝ ընդհա-
նուր նշանակման համար:

Հիշյալ մարկաներից բացի, ներկայումս
գյուղատնտեսական արտադրութեան մեջ օգ-
տագործվում են նաև Ա.ԽՍՏԶ—ՆԱՏԻ (Ստա-
լինգրադի, Խարկովի և Ալթայի գործարա-
ններ) տրակտորները, որոնք ունեն 52 ձիու

ուծ, նախատեսված են վարի, ցանքի, համատարած կուլտիվացիայի, փոցխի, բերքահավաքի և այլ պրոցեսների համար:

Տրակտորներից բացի, արդյունաբերությանը թողարկում է մեծ քանակությամբ գյուղատնտեսական կատարելագործված մեքենաներ՝ հողի մշակման, ցանքի, բերքահավաքի և այլ աշխատանքների համար:

Ահա դրանցից մի քանիսը.

1. Տրակտորային կուլտիվատորներ — տարբեր մարկայի, նախատեսված են դաշտի համատարած ու միջշարային մշակման և խոր փխրեցման համար:

2. Տրակտորային դիսկավոր փոցխեր և լուշչիլնիկներ, որոնք նախատեսված են վարից հետո հողի մշակման, կերաբույսերի ճմաշերտի ցաքանման ու ցանքի, խաղողի և պտղատու այգիների մշակման, խոզանի երեսվառի և այլ աշխատանքների համար:

3. Շաբաղագաններ — տարբեր մարկայի՝ հացահատիկի, խոտաբույսերի սեղմերի, վուշի, բամբակի, ճակնդեղի, կտմբինացված և այլ շաբաղացաններ:

Ներկայումս բայնոոեն կազմակերպված է ՍՇ—6 ա շաբաղացանների արտադրությանը՝ շաբահերկ կուլտուրաների ցանքը քառակուսի-բնառեն եղանակով կատարելու համար:

4. ՍՌՆ—4 սածիլ տնկող մեքենա. սածիլ:

— 28 —

ները տնկում է քառակուսի-բնային եղանակով, արտադրողականությանը է օրական 1—1,5 հեկտար:

5. Կարտոֆիլ տնկող ՍԿԳ—4 մեքենա, կարտոֆիլը տնկում է քառակուսի-բնային եղանակով:

Մեքենան կատարում է կարտոֆիլի տընկումը ոչ թե ըստ մեկ պալարի, այլ բների, յուրաքանչյուր բնում տնկելով 2—3 պալար. հավասար հեռավորություն պահպանելով, ինչպես բների, այնպես էլ շարքերի միջև: Մեքենան սերմերի հետ միաժամանակ յուրաքանչյուր բնի մեջ մտցնում է անհրաժեշտ քանակությամբ հանքային պարարտանյութեր: Այդ եղանակով տնկված կարտոֆիլը կարող է մշակվել տրակտորային կուլտիվատորներով՝ թե լայնությամբ և թե երկարությամբ: Մեքենայի արտադրողականությանն է մեկ հերթավոխում 6—8 հեկտար: Մեքենան սպասարկում են 5 մարդ: «ՍԿԳ—4» մեքենայի օգտագործումը հեշտացնում է կուլտնտեսականների աշխատանքը և բարձրացնում կարտոֆիլի բերքատվությունը:

Հայրենական արդյունաբերությանը վերահիշյալ մեքենաներից բացի, լայնորեն թողարկում է նաև կերահայթայթման մեքենաներ:

Տրակտորային խոտհնձիչ մեքենաներ, որոնց արտադրողականությունը 10 ժամում կազմում է ավելի քան 30 հեկտար: 40—10 ինքնագնաց խոտհնձիչ մեքենա, արտադրողականությունն է 10 ժամում ավելի, քան 50 հեկտար:

Բացի դրանից, արտադրվում և լայնորեն կիրառվում են վերերի նախապատրաստման ու մշակման զանազան մարկայի մեքենաներ՝ սիլոսահատներ, ծղոտահատներ, քուսպամանրիչներ, վեր փափկացնող-մշակող մեքենա և այլն:

Բերքահավաքի մեքենաներ: Դրանց թվին են պատկանում Ս—4 ինքնագնաց կոմբայնը՝ 8—10 հեկտարի արտադրողականությամբ, Ստալինեց—6 կոմբայնը՝ 10—15 հեկտարի արտադրողականությամբ:

Հացահատիկային կոմբայններից բացի, նոր կոմբայններ են թողարկվում նաև գյուղատնտեսական մյուս կոլտուրաների համար, օրինակ, ճակնդեղ հանող կոմբայն, կարտոֆիլ հանող կոմբայն, սիլոս պատրաստող կոմբայն, բամբակ հավաքող մեքենա և այլն:

Բոլոր այս մեքենաները առավելագույն չափով հեշտացնում են մարդու աշխատանքը և բարձրացնում աշխատանքի արտադրողականությունը:

ՄԵԹՈԴԱԿԱՆ ՍԳՆՈՒԹՅՈՒՆ ԱԳԻՏԱՏՈՐԻՆ

ԱԳԻՏԱՏՈՐԻ ԼԵԶՈՒՆ

ՀՈՎՀ. ԲԱՂԴԱՍԱՐՅԱՆ

Ներկայումս, սոցիալիզմից ատիճանաբար կոմունիզմին անցնելու ժամանակաշրջանում, է՛լ ավելի մեծ նշանակություն է ստանում քաղաքական ագիտացիան:

Ագիտացիան աշխատավորների դաստիարակման և կազմակերպման հզոր միջոց է: Վ. Ի. Լենինն ասել է. «Պետք է վերադաստիարակել մասսաներին, իսկ նրանց վերադաստիարակել կարող է միայն ագիտացիան և պրոպագանդան»:

Մեծ ու բազմակողմանի, պատվավոր ու պատասխանատու է ագիտատորի դերը սովետական մարդկանց կոմունիստական դաստիարակության գործում: Ագիտատորը՝ պարտիական թե անպարտիական, մարքսիստական-լենինյան տեսմանքի պրոպագանդիստ է, այդ տեսմանքի ակտիվ ու հետևողական կիրառողը: Ագիտատորն իր պարտկազմակերպությունների օգնականն է:

այն պայքարում, որ նրանք մղում են մեր երկրի տնտեսական և կուլտուրական շինարարության խնդիրները հաջողությամբ կատարելու համար:

Այստեղից էլ այն բարձր պահանջը, որ ներկայացվում է յուրաքանչյուր ագիտատորի: Ագիտատորը պետք է ունենա մարքսիստական-լենինյան լայն աշխարհայացք, ընդհանուր և քաղաքական բարձր պատրաստություն, ժամանակի, իրադրության մեջ կողմնորոշվելու հմտություն, կազմակերպական ընդունակություն: Այդ բոլոր հատկություններով հանդերձ ագիտատորը պետք է կատարելապես տիրապետի այն լեզվին, որով նա ագիտացիա է մղում մասսաների մեջ:

Իրոք, ագիտատորի զենքը լեզուն է: Կա՛վ չէ այն ագիտատորը, որը չի տիրապետում այդ լեզվին, հնարավոր է համարում մասսաների առաջ հանդես գալ, զրույցներ անցկացնել առանց քերականորեն ճիշտ արտահայտվելու, պարզ ու հստակ խոսելու: Լեզուն մտածողության գործիք է, միտքն արտահայտելու գործիք: Ճիշտ մարդը չի կարող գրագետ կերպով ճիշտ շարադրել իր մըտքերը, կնշանակի նա նույնպես անսխտամ, քառային կերպով էլ մտածում է», — ասել է ընկեր Ստալինը Սոցիալիստական Աշխու-

— 32 —

տանքի Հերոս Յակովլևի հետ ունեցած զրույցի ժամանակ:

Ագիտատորը պետք է կարողանա իր մըտքերը պարզ ու ճշգրիտ ձևակերպել խոսքերով, այնպես, որ նրանք տպավորություն գործեն, հասկանալի ու հասանելի լինեն յուրաքանչյուրին՝ թե՛ բանվորին, թե՛ կուտնտեսականին, թե՛ ծառայողին: Ագիտատորը պետք է կատարելապես տիրապետի գրական լեզվին, նրա բառարանին, նրա դարձվածքներին, որովհետև, ինչպես Մարքսիմ Գորկին է ասում, լեզվի իսկական զեղեցկությունը ստեղծվում է բառերի ճշտությամբ, պարզությամբ, հնչեղությամբ:

Ագիտատորի լեզուն պետք է համապատասխանի քաղաքական ագիտացիայի հիմնական սկզբունքներին: Խորը պարտիսկանություն, բարձր կրեականություն, քաղաքական նպատակասլացություն, պարզություն, հստակություն, — սրանք են, ասա, քաղաքական ագիտացիայի սկզբունքները, սրանցով էլ հենց պայմանավորվում է ագիտատորի լեզուն, ոճը: Այդ չի նշանակում, որպեսզի, թե ագիտատորը զրույցի ընթացքում պետք է անընդհատ վրկնի «պարտիականություն», «կոմունիզմ», «հայրենասիրու-

— 33 —

թյունն բառերը: Փաստերի, գործողության
արագ և հստակ նկարագրությունը պետք է
ունենդրին հանգեցնի պարտիականության,
նրա մեջ դաստիարակի բոցավառ սեր դեպի
Հայրենիքը, անհողորդ դամբ և պատրաս-
տակամություն՝ ոչինչ չխնայել կոմունիզմի
կառուցման համար: Ազիտատորի խոսքը
պետք է հաղեցված լինի ճշմարտության ա-
մենահաղթ ուժով, այն պետք է լինի հա-
կիրճ, կրքոտ, ոգեշունչ:

Մարտ ամսի սկզբներին Ս. Մ. Կիրովի
ամվան գործարանի 2—1 ցեխի ազիտա-
տոր ընկ. Հովհաննիսյանը զրույց կազմա-
կերպեց՝ նվիրված «Երկրում հացահատիկի
արտադրության հետադա՝ ավելացման և
խտարան ու խամ հողերի յուրացման մասին»
ՍՄԿՊ Կենտկոմի Փետրվար-մարտյան պլե-
նումի որոշմանը: Զրույցի վերջում ազիտա-
տորն իրենց գործարանից Ղազախստան
դնացող երիտասարդներին դիմեց ահա այս-
պիսի ոգեշունչ խոսքերով:

— Դուք գնում եք մեծ և փառապանծ
գործի. գնում եք արշավի ընդդեմ դարավոր
խոսպանի: Դնացեք սիրելի ընկերներ, մենք
ձեզ չենք մոռանա, տերունիները ձեզ չեն
մոռանա:

Դժբախտաբար մեր ոչ բոլոր ազիտատոր-
ներն են պատշաճ ուշադրություն դարձնում

— 34 —

լեզվի հնչեղության և գեղեցկության վրա:
Մ'ըրոնք են մեր ազիտատորների լեզվի հա-
մար բնորոշ թերությունները:

Ամենից առաջ աչքի է ընկնում լեզվի աչ-
քատուրությունն ու ոչ ճկունությունը: Դա շատ
հաճախ հանգեցնում է տալտուղոգիայի,
բառերի չափից ավելի կրկնության: Ինչի՞ են
նման, օրինակ, Շամշադինի շրջանի Բերդ
գյուղի ազիտատորներից մեկի հետևյալ
նմուշները. «Ամեն տարի մեր ծխախոտագործ
կոլխոզը ծխախոտից ստանում է մեծ եկա-
մուտ. կոլխոզնիկները ծխախոտագործության
մեջ իրենց հանդես են բերում որպես լավա-
գույն ծխախոտագործներ»:

Շատ ազիտատորներ լեզուն խճողում են
տեղական բառերով և դարձվածքներով, ինչ-
պես և շտամպած, տաղտուկ, գրասենյա-
կային, մակարույծ բառերով և ֆրազներով՝
«այսպես ասած», «հասկանում ենք», «կնշա-
նակի», «այս հարցի տեսակետից», «սու աչ-
սոր մենք տանք», «ներքոհիշյալ», «վերո-
հիշյալ» և այլն: Օտար բառերը գործ են ած-
վում առանց անհրաժեշտության: Ինչո՞ւ ասել
«դեֆեկտներ», երբ կարելի է ասել թիրու-
թյուններ:

Այնուհետև, նկատելի է բառերի սխալ
ընտրություն նախադասություն կազմելիս,

— 35 —

ինչպես նաև բառերի սխալ դասավորութիւն.
 նախադասութեան մեջ: «Դաշտավարական
 բրիգադաների անպատասխանատւութեան շը-
 նորհիվ ցրտահերկի պլանը թերակատար-
 վեց», ինչպես կարելի է. չէ՞ որ «շնորհիվ»-ը
 սրտական խմատ ունի: Կամ թե չէ. «Մոսկվա
 ուղարկվեց կոմբայնավար Պողոսյանը, որ-
 տեղ նա մնաց մեկ ամիս», պետք է լինի՝
 «կոմբայնավար Պողոսյանը ուղարկվեց
 Մոսկվա, որտեղ նա մնաց մեկ ամիս»: Ա-
 լգիտատորները երբեմն արտահայտում են
 հակասական մտքեր. մի՞թե կարելի է ասել՝
 «Շուտով վրկավի գարնանացանը. արդէն
 ցանվել են առաջին հեկտարները», եթե վար-
 նանացանը դեռ չի սկսվել, ապա ինչպես է
 ցանվել առաջին հեկտարները: Մի շարք
 բառեր սխալ են գործածվում և արտառան-
 վում: «Իրավմամբ», փոխանակ ասելու «ի-
 րավամբ», «պրոպագանդիս», փոխանակ
 ասելու «պրոպագանդա»: Թույլ են տրվում
 ավելորդ հարավումներ. փոխանակ ասելու
 «դրստնոստութեան վարչութիւն», ասում են
 «կորվարչութիւն»:

Ագիտատորը պարտավոր է հոգալ իր լե-
 զուն կառարելագործելու և հարստացնելու
 մասին: Նա պետք է լավատեղյակ լինի
 լեզվաշինարարութեան հարցերին, տիրապե-

— 36 —

տի լեզվաբանութեան վերաբերյալ մարքսիս-
 տական տաճոնքին: Մեծ նշանակութիւն
 ունի մարքսիզմի վերահիմքերի աշխատու-
 թիւնների և ճառերի լուրջ ուսումնասիրու-
 թիւնը: Վենիսի և Ստալինի ելույթները, նը-
 րանց բարձր ճաշակը դեպի լեզուն և ոճը
 բնուօրինակ են մեր ագիտատորների հու-
 մար:

Լեզուն հարստացնելու շատ միջոցներ ու-
 լեզանակներ վան: Ամենից ատաջ անհրա-
 ժեշտ է, որ ագիտատորը աշխատի իր վրա, իր
 կրթական և կուլտուրական մակարդակը
 բարձրացնելու վրա: Սխտեմատիկ ընթեր-
 ցանութիւնը ագիտատորի, և ոչ միայն նրա,
 գիտելիքների և կուլտուրայի աղբյուրն է:

Ագիտատորը պետք է լայնորեն օգտվի
 գեղարվեստական գրականութիւնից և օգ-
 տագործի գրողների պատկերավոր, արտա-
 հայտչական մտքերն ու ասույթները:

Արթիկի շրջանի Նոր Կյանք գյուղի ագի-
 տատոր Մերուժան Մինասյանը՝ «հացահա-
 տիկային տնտեսութիւնը գյուղատնտեսու-
 թեան արտադրութեան հիմքն է» թեմայով
 գրուցի մեջ, խոսելով հացահատիկի նշա-
 նակութեան մասին, հիշեցրեց. Մայակովսկու
 հետեւյալ խոսքերը.

— 37 —

Շատերի աչքի փուշն է
 Ռեսպուբլիկան,
 Շատերը կուզեն
 ջախջախել, սիշրել, —
 Բայց մորիկներից
 նրան պաշտպանող
 Մեր սվինը կա...
 Իսկ խաղաղ ժամին՝
 մեզ պահապան է
 Դիպլոմատիան մեր:
 Սակայն մենք շունենք
 առավել զորեղ,
 համոզիչ փաստարկ՝
 «Յորենով լցված»
 ամբարից բացի,
 Որը հաքում է
 ճնշումից հացի:

Կոլտնտեսականների հետ զրուցելով իրենց
 գյուղի կուլտուրական վերելքի մասին,
 Սևանի շրջանի Ծովագյուղի ուսուցիչ-սով-
 տատոր Խ. Գուլյանյանը հմտորեն մեջբե-
 րումներ կատարեց Մուրացանի «Առաք-
 յալ»-ից: Ահա թե ինչպես նա սկսեց
 իր զրույցը. «Երեք դարդարան ունի
 մեր գյուղը և ոչ միայն դարդա-
 րաններ. միջնակարգ դպրոց, ակումբ, ու-

— 38 —

դիո, հեռախոս, ... Դա, ինչպես գիտեք, նախ-
 կին Չիբուխլուն է, Մուրացանի նկարագրած
 Չիբուխլուն, երբեմնի «գյուղ» կոչված ապե-
 րանոցը՝ «չոր ու ցամաք, ծուռ ու մուռ փո-
 ղոցներով, հողի տնակներով, կեղտոտ բա-
 կերով». կամսարյանները դալիս ու գնում
 էին, իսկ, Մուրացանի խոսքերով ասած, —
 Չիբուխլուն... Սևանը», — նրանք դարձյալ
 մնում էին իրենց տեղն անշարժ, անփոփոխ,
 ինչպես հարադատ մասունք անփոփոխ հա-
 վիտենականության:

Անհրաժեշտ է, որ ագիտատորը զրույցի
 ընթացքում դիմի պատկերավոր համեմա-
 տությունների, աֆորիզմների, օգտագործի
 ժողովրդական ասացվածքներ: Սպիրտակի
 շրջանի Գեղարոտ գյուղի ագիտատորներից
 մեկը, կոլտնտեսային դաշտերից ստացված
 ցորենի մասին արտահայտվեց, ահա, այս-
 պես՝ «Յորեն եմ ասում, ինչ ցորեն, որ ջու-
 րը լցնես, չի պղտորվի»: Կամ՝ «Յորենը բունն
 է, երբ ամբարումն է», «Ինչ ցանես, է՛ն կհըն-
 ձես», այս և նման պատկերավոր ֆրազներն
 ու արտահայտություններն, անշուշտ, համ
 ու հոտ են տալիս զրույցին, նպաստում են
 լեզվի ժողովրդացնությանը, պարզությանն ու
 հստակությանը:

Վերջապես հարկավոր է, որ ագիտատորը

լամ իմանա այն նշովքը, որի մասին նա
խոսում է: Չի կարելի լամ և հատակ խոսել
առանց զրույցի թեման նախապես լամ
մարտելու, պարզ պատկերացնելու:

Ամսփոփենք. ազիտացիոն աշխատանքն ար-
վեստ է. այդ արվեստին տիրապետում է նա,
ով ընդհանուր և քաղաքական անհրաժեշտ
պատրաստության հետ միասին լամ է իմա-
նում իր մայրենի լեզուն, գործնականորեն
վիրառում նրա արտահայտչական ձևերն ու
միջոցները:

Լեզուն իմանալը մեծ գործ է. ազիտատու-
րը պետք է պատկառանքով վերաբերվի այդ
հզորագույն գործիքի հետ, մշտապես հարըս-
տացնի և կատարելագործի իր լեզուն, իր
զենքը:

ՕԳՆՈՒԹՅՈՒՆ ԱԳԻՏԱՏՈՐԻՆ

ԹԵՄԱՆԵՐ ԵՎ ԳՐԱԿԱՆՈՒԹՅՈՒՆ ԱԳԻՏԱՏՈՐՆԵՐԻ ՉՐՈՒՅՅՆԵՐԻ ՀԱՄԱՐ

ԳԱՐՆԱՆ ԳՅՈՒՂԱՏՆՏԵՍԱԿԱՆ ԱՇԽԱՏԱՆՔՆԵՐԸ
ԿԱՏԱՐՆԵՔ ԺԱՄԱՆԱԿԻՆ ԵՎ ԲԱՐՁՐ ՑՈՒՑԱՆԻՇՆԵՐՈՎ

1. Գարնանացանը սեղմ ժամկետում և ագրոտեխնի-
կական բարձր մակարդակով անցկացնելը առատ բերք
ստանալու լավագույն նախապայմանն է:

2. Գարնան գյուղատնտեսական աշխատանքները
կատարենք խնամքով և ագրոտեխնիկական կանոննե-
րին լիովին համապատասխան:

3. Ցանքերը ժամանակին և արգյունավետ կերպով
պարարտացնելը, սնուցելը՝ կարևորագույն միջոցա-
ռումներ են բերքատվության բարձրացման գործում:

4. Գարնան գյուղատնտեսական աշխատանքների մեջ
լայնորեն արմատավորենք գիտության նվաճումները և
առաջավոր փորձը:

5. Գյուղատնտեսական մեքենաները բարձր աշխա-
դողականությամբ օգտագործելը կարևորագույն սրա-
յան է գարնանացանը հաջող անցկացնելու գործում:

6. Ապահովենք տրակտորների և այլ տեխնիկայի աշխա-
տանքը:

7. Բարելավենք տրակտորների և գյուղատնտեսական

մյուս մեքենաների ու գործիքների տեխնիկական խնամքը:

8. Լախորեն ծավալենք սոցիալիստական մրցություն գարնանացանք բարձր ցուցանիշներով կատարելու համար:

ԳՐԱԿԱՆՈՒԹՅՈՒՆ

Գ. Մ. ՄԱԼԵՆԿՈՎ— Հաշվետու զեկուցում Պարտիայի 19-րդ համագումարին ՀամԿ(բ)Պ Կենտրոնական Կոմիտեի աշխատանքի մասին, էջ 56—72, Հայպետհրատ, 1952 թ.:

Գ. Մ. ՄԱԼԵՆԿՈՎ— Ճառ ՍՍՌՄ Գերագույն Սովետի հինգերորդ սեսիայում, էջ 5—28, Հայպետհրատ, 1953:

ՍՍՌՄ Գյուղատնտեսության հետազոտվող զարգացման միջոցառումների մասին, ՍՄԿՊ Կենտկոմի պլենումի որոշումը, ընդունված 1953 թվականի սեպտեմբերի 7-ին: Ընկեր Ն. Ս. Խրուշչևի զեկուցման առթիվ, Հայպետհրատ, 1953 թ.:

Երկրում հացահատիկի արտադրության հետազոտվելացման և խոպան ու խամ հողերի յուրացման մասին ՍՄԿՊ Կենտկոմի պլենումի որոշումը, ընդունված 1954 թ. մարտի 2-ին: Ընկեր Ն. Ս. Խրուշչևի զեկուցման առթիվ, տպագրված «Ս. Հ.»-ի 1954 թ. մարտի 6-ի համարում:

Կազմակերպված անցկացնել գարնանացանք, «Ս. Հ.»-ի չափանորդող հոդվածը 1954 թ. № 79:

Համամիութենական գյուղատնտեսական ցուցանանք-

— 42 —

դեսի զլխավոր կոմիտեի որոշումից (ցուցահանդեսի մասնակիցներ ընտրելու ցուցանիշների և պայմանների մասին), տպագրված «Ս. Հ.»-ի 1954 թ. № 88-ում:

Ագիտատորների խնդիրները գարնանացանի օրերին, «Ագիտատորի բլոկնոտ» № 8:

ՍՄԿՊ Կենտկոմի կոչերը 1954 թվականի մայիսի 1-ի առթիվ, տպագրված «Ս. Հ.»-ի № 94-ում:

Ինֆորմացիան հազարդագրություններ ՍՍՌՄ Գերագույն Սովետի նիստերի-մասին, տպագրված «Ս. Հ.»-ի ապրիլի վերջին տասնօրյակի համարներում:

ՍՍՌՄ 1954 թվականի Պետական բյուջեի մասին ՍՍՌՄ Ֆինանսների մինիստր դեպուտատ Ա. Գ. Զվեբովի զեկուցումը, տպագրված «Ս. Հ.»-ի № 95-ում:

Ա. Ի. ՄԻԿՈՅԱՆԻ հառը Ազգությունների Սովետում, տպագրված «Ս. Հ.»-ի № 99-ում:

1954 ԹՎԱԿԱՆԻ ԵՐԿՐՈՐԴ ԵՌԱՄՍՅԱԿԻ ԱՐՏԱ-ԳՐԱԿԱՆ ՊԼԱՆՆԵՐԸ ԿԱՏԱՐԵՆՔ ԺԱՄԿԵՏԻՑ ՇՈՒՑ ԵՎ ՈՐԱԿԱԿԱՆ ԲԱՐՁՐ ՑՈՒՑԱՆԻՇՆԵՐՈՎ

1. Լախորեն ծավալենք սոցիալիստական մրցություն աշխատանքի արտադրողականությունը բարձրացնելու համար:

2. Պատվով կատարենք սոցիալիստական մրցությամբ ստանձնած պարտավորությունները:

3. Ամեն կերպ բարելավենք արտադրանքի որակը, երկրին տանք ավելի շատ և ավելի բարձրորակ արտադրանք:

4. Սոցմրցության ընթացքում օգնենք ետ մնացողներին՝ առաջավորներին հասնելու համար:

5. Պայքարենք անտնտեսվարության և շռայլումների դեմ, արտադրության մեջ կիրառենք խնայողության ամենախիստ ռեժիմ:

6. Լրիվ և արդյունավետ օգտագործենք արտադրական կարողությունները, հոգատարությամբ խնամենք մեքենաներն ու մեխանիզմները:

ԳՐԱԿԱՆՈՒԹՅՈՒՆ

Գ. Մ. ՄԱԼԵՆԿՈՎ— Հաշվետու զեկուցում պարտիայի 19-րդ համագումարին. Համկ(բ)Պ Կենտրոնական Կոմիտեի աշխատանքի մասին, Հայպետհրատ, 1952, էջ 43—56, 75—83:

Գ. Մ. ՄԱԼԵՆԿՈՎ— Ճառ ՍՍՌՄ Գերագույն Սովետի նիստերում սեպտյան, էջ 5—28, Հայպետհրատ, 1953:

Հանուն աշխատանքի բարձր արտադրողականության, ինֆորմացիոն նյութեր՝ տպագրված «Ս. Հ.»-ի 1954 թ. № 85-ում:

Լենինի ֆաղափ ձեռնարկությունների սոցիալիստական պարտավորությունները, տպագրված «Ս. Հ.»-ի № 89-ում:

Սոցիալիստական լայն մրցությունն ծավալել աշխատանքի արտադրողականության բարձրացման համար, տպագրված «Ս. Հ.»-ի 1954 թ. № 84-ում:

Մոսկվացիների օրինակով, տպագրված «Ս. Հ.»-ի 1954 թ. № 86-ում:

— 44 —

Կիրովցիները արձագանքում են, տպագրված «Ս. Հ.»-ի 1954 թ. № 86-ում:

Բարձրացնել ձեռնարկությունների ղեկավարման մակարդակը, «Պրավդա»-ի առաջնորդողը, տպագրված «Ս. Հ.»-ի 1954 թ. № 90-ում:

ՍՍՌՄ արդյունաբերության վերելքը (թվեր և փաստեր), «Ազիտատորի բլոկնոտ» № 7:

ՍՄԿՊ Կենտկոմի կողերը 1954 թվականի մայիսի 1-ի առթիվ, տպագրված «Ս. Հ.»-ի № 94-ում:

Ինֆորմացիոն հաղորդագրություններ ՍՍՌՄ Գերագույն Սովետի նիստերի մասին, տպագրված «Ս. Հ.»-ի ապրիլի վերջին տասնօրյակի համարներում:

ՍՍՌՄ 1954 թվականի Պետական բյուջեի մասին ՍՍՌՄ Ֆինանսների մինիստր ղեկուսառ Ա. Գ. Զվեբնովի զեկուցումը, տպագրված «Ս. Հ.»-ի № 95-ում:

Ա. Ի. ՄԻԿՈՅԱՆԻ հաղթ Ազգությունների Սովետում, տպագրված «Ս. Հ.»-ի № 99-ում:

ՀԱՂԹԱՆԱԿԻ ՏՈՆԸ

(Մայիսի 9-ը)

1. Սովետական ժողովրդի համաշխարհային պատմական հաղթանակը Հայրենական Մեծ պատերազմում:

2. Կոմունիստական պարտիան սովետական ժողովրդի հաղթանակների կազմակերպիչն է և ոգեշնչողը Հայրենական մեծ պատերազմում:

3. Սովետական Միության պայքարը խաղաղության համար՝ ամբողջ աշխարհում:

4. Սովետական յուրաքանչյուր քաղաքացու հայրեն-

— 45 —

նասիրական պարտքն է անդադրում կերպով ամբա-
պնդել իր Հայրենիքի ռազմական ու տնտեսական հզո-
թությունը և թշնամիների նկատմամբ լինել զգոն:

ԳՐԱԿԱՆՈՒԹՅՈՒՆ

Ի. Վ. ՍՏԱԼԻՆ— Սովետական Միության Հայրենա-
կան Մեծ պատերազմի մասին, Հայպետհրատ. 1950 թ.:

Գ. Մ. ՄԱԼԵՆԿՈՎ— Հաշվետու զեկուցում պա-
ռիայի 19-րդ համագումարին ՀամԿ(Բ)Պ Կենտրոնա-
կան Կոմիտեի աշխատանքի մասին, էջ 3—5, 31—40,
91—97, Հայպետհրատ, 1952:

ՍՄԿՊ Կենտկոմի կոչերը 1954 թվականի մայիսի
1-ի առթիվ, տպագրված «Ս. Հ.»-ի № 94-ում:

Ինֆորմացիոն հաղորդագրություններ ՍՍՌՄ Գերա-
զույն Սովետի նիստերի մասին, տպագրված «Ս. Հ.»-ի
ապրիլի վերջին տասնօրյակի համարներում:

ՍՍՌՄ 1954 թվականի Պետական բյուջեի մասին
ՍՍՌՄ Ֆինանսների մինիստր դեպուտատ Ա. Գ.
Զվեբկի զեկուցումը, տպագրված «Ս. Հ.»-ի № 95-ում:

Ա. Ի. ՄԻՆՈՅԱՆԻ հաղորդությունների Սովետում,
տպագրված «Ս. Հ.»-ի № 99-ում:

ՍՈՎԵՏԱԿԱՆ ՄԱՄՈՒԼԻ ՕՐԸ

1. Մայիսի 5-ը Սովետական մամուլի օրն է, 1912
թվականին այդ օրը լույս տեսավ «Պրավդա»-ի առա-
ջին համարը:

2. Սովետական մամուլը ամենաճշմարտացի և ան-
հեռադատ մամուլն է աշխարհում:

— 46 —

3. Մամուլի աճը ՍՍՌՄ-ում:

4. Կոմունիստական պարտիան սովետական մամու-
լի ստեղծողն է և ղեկավարը:

5. Սովետական մամուլի պայքարը խաղաղության
համար ամբողջ աշխարհում:

6. Սովետական մամուլը պրոպագանդում և մա-
սայականացնում է դիտության նվաճումները, առա-
ջավոր փորձը, օգնում է աշխատավորներին ինտե-
գրիվելու պարտիայի և կառավարության որոշումները:

ԳՐԱԿԱՆՈՒԹՅՈՒՆ

Վ. Ի. ԼԵՆԻՆ— Մեր բերքերի բնույթի մասին, Եր-
կեր, հատ. 28, 4-րդ հրատարակություն, էջ 166—
109:

Ի. Վ. ՍՏԱԼԻՆ— «Պրավդա»-ի տասնամյակի առ-
թիվ և «Մամուլը որպես կոլեկտիվ կազմակերպիչ»,
Երկեր, հատ. 5, էջ 144—149, 311—315:

Գ. Մ. ՄԱԼԵՆԿՈՎ— Հաշվետու զեկուցում պարտիա-
յի 19-րդ համագումարին ՀամԿ(Բ)Պ Կենտրոնական
Կոմիտեի աշխատանքի մասին, էջ 91—97, Հայպետ-
հրատ 1952:



ՄԵՐ ՀԱՅՐԵՆԻՔԻ ՄԱՅՐԱՔԱՂԱՔ ՄՈՍԿՎԱՅԻ ԹԱՆԳԱՐԱՆՆԵՐԸ

Վ. Ի. Լենինի Կենտրոնական քանգարան

Թանգարանի 22 ընդարձակ ու լուսավոր դահլիճներում տեղավորված են ավելի քան 7 հազար էքսպոնատ, որոնք պատմում են Կոմունիստական պարտիայի և Սովետական սոցիալիստական պետության հիմնադիր Վլադիմիր Իլյիչ Լենինի կյանքի ու գործունեության մասին:

Մ. Ի. Կալինինի քանգարան

Թանգարանի բազմաթիվ փաստաթղթեր և նյութեր նվիրված են Միխայիլ Իվանովիչ Կալինինի կյանքին և գործունեությանը:

ՍՍՌՄ ռևոլյուցիայի քանգարան

Թանգարանում հավաքված են Կոմունիստական պարտիայի պատմության, Ռուսաստանի ռևոլյուցիոն շարժման և դասակարգային պայքարի պատմության վերաբերյալ փաստաթղթեր:

— 48 —

Սովետական Բանակի Կենտրոնական քանգարան

Թանգարանի էքսպոնատները պատմում են ՍՍՌՄ Ձինված Ուժերի փառապանծ տալու մասին:

Պետական պատմական քանգարան

Թանգարանը ցուցադրում է մեր իրերի ժողովուրդների պատմությունը՝ սկսած հնագույն ժամանակներից, իսկական իրեր են իլյուստրատիվ և արխիվային նյութերով:

**Ա.-Ս. Պուշկինի անվան կերպարվեստի
քանգարան**

Թանգարանում ներկայացված են Հին Արևելքի, Հին Հունաստանի և Հռոմի, ինչպես նաև Արևմտյան եվրոպայի երկրների 15-ից 20-րդ դարի արվեստը:

**Մոսկվա Բաղաժի պատմության և
վերակառուցման քանգարան.**

Թանգարանի էքսպոնատներում արտացոլվում է Մոսկվայի պատմությունը, մայրաքաղաքի սոցիալիստական վերափոխումը՝ կապված վերակառուցման գլխավոր պլանի հետ:

— 49 —

Պոլիտեխնիկական քանդաքան

Թանգարանում ներկայացված են սոցիալիստական դիտություն և տեխնիկայի, սոցիալիստական արդյունաբերության և գյուղատնտեսության նվաճումները, ինչպես նաև արտացոլված են տեխնիկայի պատմության հիմնական էտապները:

Պետական Տրեսյակովյան գալերեյա

Տրեսյակովյան գալերեյան ռուսական և սովետական կերպարվեստի հարստագրված գանձարանն է:

Խմբագիր՝ Գ.Ր. ՊԵՏՐՈՍՅԱՆ

Отдел Пропagанды и агитации ЦК КП
Армении

№ 9

1954 г.

БЛОКНОТ АГИТАТОРА

ՎՅ 09925

Պատկեր 393

Տիրած 8500

Հայպոլիդրաֆհրատի № 2 տպարան, Երևան
Կնույանցի № 8, 1954 թ., գինը 50 կոպ.